

上饒縣志卷十二

古蹟

代異世往踪跡難留或赫然存于數年之間而銷沉于數十載之後者何可勝道惟德業繫于人心則藉是悠久焉西方榛苓南國甘棠物乎人耳今上饒所記斷自三國而宋明爲多凡一池一園一鐘一碑一亭臺館閣與其人而千古非古蹟之能自留後人懿德之好留之也然則天理之在人心未嘗一日而亡公論之在天下未嘗一日而廢有志者可以興矣

周瑜故宅在縣治後舊半爲察院分司今改爲鐘樓天寧寺半爲縣學基御史桂榮松臯東野詩序云府城中東北隅有萬松墩隆阜高圓土膏沃衍前左介兩學間舊傳爲

上饒縣志

卷十二

古蹟

周瑜故宅周方少年與孫長沙結爲兄弟娶喬公女時稱周郎孫郎二子弱冠名冠江東以意氣功名相許牡丹亭寸金橋錯峙宅後不可以想見其風流哉又云孫吳赤壁之役名周瑜自鄱陽而信則其屬地云

故縣基在城西北天津橋之原元沒兵燬今爲社稷壇洗墨池在郡城南祥符寺相傳昔有道人洗硯于此其水常黑遂名郡守王翰詩靜觀魚躍波文皺彷彿松烟在硯池

上饒亭唐張祐有詩題上饒亭 攷省志增

北樓唐李郢有夏日登信州北樓詩 攷省志增

面山堂宋時建晁謙之有詩 攷省志增

蒼筤亭龍圖學士韓元吉自潁川徙居上饒宅前有澗水

故號南澗澗南有園築亭號蒼筤攷省志補入
跨鶴臺故址在城南祥符寺側其地高爽州境一望可徧
陳克齋有詩

南池舊志在城南相傳為州學之泮池廣一里許有菱蓮
可愛起居舍人王洋曾逮通判趙不慳趙善扛嘗築以居
有古亭新亭荷池南峯半僧寮水村諸號品題甚富

壽松白雲洞鄭望之弟吏部侍郎資之居溪南時所名故
址在今山川壇王右史有詩

中和堂在府堂西宋紹興六年知州事趙彥勵所建前有
廳後有香遠亭今廢

西山堂在中和堂西北宋嘉泰四年知州孟猷建康熙壬
寅郡守蔡廷即其故址建來青亭至己酉歲郡守高夢說

上饒縣志

卷十二

古跡

二

復加脩葺仍扁曰古西山堂後郡守朱維熊扁曰環翠亭
已而郡守周錞元復額之曰西山堂

清華軒在翠微樓右郡守周錞元扁取謝叔源詩水木湛
清華意軒後鑿小池甃石累山構小樓亭于上額曰一笠
有古桂修竹相映帶幽致可人

慕歐舫在翠微樓北郡守周錞元改葺額以斯名蓋倣歐
陽文忠畫舫齋制

溪山堂宋南豐曾黃州游歷之地故址在府城外南山之
巔面直靈山下臨冰溪故名今廢

鄰幾堂在信義坊舊司法廳宋江鄰幾為司法時所建教
授林至有記今廢

會心堂舊名百花庄在府城西門外宋章良用為郡時所

建今廢

西清桂明一統志上饒尉曾逮手植桂于廳後人懷其德名之曰西清桂有松風亭橫碧軒縉紳多為題咏攷省志補入

望靈山堂在城南一里宋韓元吉建今廢

清樾軒在縣北廣教寺宋曾文清幾所居曾逮詩開軒在獨園繞屋得清樾

表忠閣在府城外溪南謝疊山祠前萬曆間郡守孫從龍建攷省志補入

大忠臺在城外溪南謝文節祠後臺據山巔登眺則邑境可遍萬曆間郡守孫從龍建今廢

一杯亭在南屏山南臺左宋趙汝愚為郡未逾年政成惠洽郡人建祠設像為之祝壽汝愚因觴客于中命撤其像

上饒縣志

卷十二 古跡

三

戲名曰一杯亭取且盡生前一杯酒何須身後千載名之意明萬曆間郡守姚體信以山形如印易名印山亭尋仍舊天啟間郡守蔣如奇建樂聖亭于左崇禎間知縣董時選復建一杯亭于右歲久俱廢惟存樂聖石亭至順治初叅將康時昇重建康熙甲寅之變復無存至十九年郡守曹鼎望上饒令馬之驥捐修郡守孫世昌重加丹雘四十九年郡守朱維熊復葺有記今圮

至樂齋宋周舜元寓居之所呂居仁有詩

狀元亭在城西烏龜山嘉靖壬寅少師夏言郡守吳希孟建為餞送鄉試之地聯曰讖語春濤打龜背臚傳曉日占鰲頭又桂近菴聯曰萬里桂秋飛玉兔一川桃浪起金龍後郡守林光祖別建山堂于麓而移其亭于內山之右同

知廖文光改山名為五桂而鐫三大字于水滸萬曆間知縣王炳璿扁其堂曰叢桂分守湖東道尚德恒建石坊于水口扁曰聚奎文麓尋為風仆亭廢址存

思默堂宋徐元杰夢神人繫二黑犬過堂下初未知何祥是歲登第文有默思默通云者主司以為神語乃悟默字為黑犬也元時其孫子竒建堂以志之韓性有記

天恩堂在古梁周村周氏祖居也相傳宋帝避元兵間道入闕寓是堂因命書天恩堂三字御記其事今堂尚存吳康齋有記

橫碧軒曾文清所居在孔雀院今廢魯起元詩云嵐光懸座蒼翠濕寺影拂波空碧寒

友直軒在溪南太霞山諫議大夫尹穡所居曾文清為之

上饒縣志

卷十二

四

名而賦詩

尚論軒周氏寓居之所今廢

翠微樓在縣治南宋慶元間知州趙伯瓚所建今廢

迎賓樓在城南明天順間郡守金銑同知蔣益建弘治八

年郡守王塘改為皇華亭歲久亭廢

善人齋昔徐觀道乞歸陛辭帝稱之曰善人因以名其齋

今廢

山齋在治東初置州時已有宋淳熙間通判鄱陽洪粹重葺今廢

含輝閣在城外溪南谷神山萬曆乙亥郡守姚體信建今廢

白鷗園在城西泰安坊嘉靖癸卯大學士夏言建臺榭竹

木甚盛中有賜閒堂望宸樓環翠亭水雲軒明月榭濯纓處碧漪亭今皆廢

集勝園在城西太平坊天津橋畔光祿署丞吳萊建知縣王炳璿題扁今廢

樂歲樓在溪南谷神山靈雨祠側嘉靖間郡守吳希孟禱雨有應因建樓作詩記其事今廢

德生亭在城南景德寺門外祝聖畢于此放生因名宋淳祐間郡守章鑄重建今廢

仁智亭在城南門外面溪背城左右有亭曰仁智今廢有記見藝文

松風亭在城西北廣教寺曾文清建今廢

化雨亭在府學郡守金銑同知蔣益建今廢

饒縣志

卷十二 古迹

五

燕喜亭在府學郡守金銑同知蔣益建今廢郡守談綱有記

玉溪館即和義館淳祐六年知州事章鑄重修址在城信美坊今廢

東館西館故址在城門外乃仁智二亭舊基後知州錢象祖扁東館為明暉閣孟猷扁西館為橫碧軒今廢

回車館故址在城內又名饒陽驛王荆公晁太史皆有詩今廢

石山書舍在縣西泰定坊明石山公方崙講學處也邑人少卿鄭邦福為賦石山十景

南臺宋郡守忠定趙公所立故址在祥符寺今廢陳克齋有詩

劉氏義門在安輯鄉葛源延祐間編修劉光分曰以贍書院析財以周族里朝廷義之旌表其門

四望亭韓魏公有寄廣信軍四望亭之詩又云有兄諱瑀者為廣信通判故有此寄此亭今失其處矣

稼軒宋洪景廬有記

徐樵楚宅在永樂鄉周村夏東巖鳴鷄峯有詩

寓屋故址在城宋吏部侍郎鄭望之所居龍溪汪內翰記今廢

竹院在城南一里宋淳熙間張文閣直學士晁譔之所居今廢

鐘樓在縣治後天寧寺前改鐘識為偽吳順義三年信州刺史周本鑄原計重二千四百餘觔至宋建炎元年十一

上饒縣志

卷十二 古跡

六

月會首劉能輩重鑄增至一萬餘觔古天寧寺物也寺廢即址建樓懸之康熙二十二年樓圯鐘墜入地尺許康熙五十一年郡守周錚元重建鐘樓鐘復在懸命僧鳴之以警晨昏有記銘載藝文

六經圖碑在縣學明倫堂宋考亭書計六石陰陽俱刻忠孝廉節碑考亭書字體方正書法遒勁計四石後有晦翁書款識在縣學明倫堂明倫堂扁三字亦晦翁書歲久摹刻失真

寶澤樓在城西太平坊明嘉靖甲午為大學士夏言勅建其下為忠禮書院即今大二廠

永山雪洞即故集勝園遺址中有洞壑池梁多奇石不類地產應自遠方輦致者今無主守日就傾廢石往往為有

力者昇去視其大槩猶可想見風景云

童家嶺亭在縣治北三十里傳為府龍脊脉都人建亭于此為行人休息地鉛山孝廉劉紹汜記見藝文

永思亭在安輯鄉靈山水晶嶺署丞王道建御史桂榮記去思亭在東門城內為知府沈陽立楊時喬記

狀元坊為大學士費宏立今毀

會元坊為大宗伯汪俊立今毀

解元坊為都憲汪潮立今毀

雙進士坊為知府蔣澐行人蔣蕃立今毀

豸史坊為寺丞汪淵立今毀

世臣坊為知府李應與李直僉事李祚立燬于火

司諫坊為給事王讓立

上饒縣志

卷十二 古跡

七

騰蛟坊在府學前進士題名今毀

起鳳坊在府學前鄉舉題名今毀

進士坊為方伯姜讓立今毀

大方伯坊為姜讓立今毀

世科坊為蔣欽蔣澐蔣蕃立今毀

俊章坊在羊石里為成化丙午舉人葉旭立

世科坊在羊石里為成化丙午舉人葉旭弘治乙丑進士

葉鶴嘉靖辛丑進士葉鏜嘉靖癸卯舉人葉鈞萬曆癸卯

舉人葉熙囊知縣葉鏊葉濟英同知葉熙裳祖父子孫立

恩榮坊在忠禮書院前左為大學士夏言立

殊錫坊在忠禮書院前右為大學士夏言立

絲綸特名坊在忠禮書院後左為大學士夏言立

衣繡畫榮坊在忠禮書院後右為大學士夏言立
清朝舊學坊為大學士鄭以偉立今毀

明興俊义坊縣學前題名今毀

貞節坊在西隅阜民坊為馬姓節婦舒氏立今毀

貞節坊在東隅為官生楊德潤妻徐氏立

人瑞坊在南隅下墘為楊伯瑛楊伯琮兄弟百歲立今毀

節婦坊在永樂鄉為王綵妻毛氏立

節婦坊在太定坊官倉埧為徐日哲妻葉氏立

恩榮貞節坊在石橋鄉為周璉妻葉氏立

貞節坊在楊家石橋為汪嬭妻鄭氏立

按舊志以旌表諸坊雜載于坊鄉內實屬不類查坊額
多先朝所建以表揚忠節似與古蹟相近附之于後于

上饒縣志

卷十二 古跡

八

義庶合

祠廟

以祀秩言之必山川社稷城池五祀之神否則生而有功
德于此方又或其地忠臣孝子義夫烈士足以風世者也
苟非此族謂之淫祠茲考邑志所載祠廟不必盡符于禮
然狄公不作久矣與其過而廢也毋寧過而存之

朱文公祠在南巖寺左明成化間知府談綱建有叙與詩
後圯 國朝康熙壬子郡守高夢說葺之自為記乾隆九
年郡守陳世增重建教諭明東陽督治之

東嶽行祠在溪南瑯琊峯下宋紹興間勅建徐司空始其
事前立零壇旱禱輒應明萬曆間郡守王體信知縣王炳
璿重修易木以石增置亭廟壇遺泉池侍郎湯時喬記

國朝康熙二十一年郡守孫世昌重加修葺
張睢陽祠在東城門內德禮坊

楊刺史祠在府儀門東祀唐刺史楊光翼今入名宦祠以
其祠為土地廟

五賢祠在茶山舊為二賢祠祀曾文清幾呂文清本中有
韓元吉記後增祀陸鴻漸徐梅堃辛稼軒改名五賢今祠
廢祀亦寢

慶豐祠在西隅狀元坊祀鷹武李將軍先是知府談綱建
石人行祠于社稷壇北後燬遂奉神主附于此春秋如禮
陳汪二賢祠在府學東祀宋陳康伯汪應辰今廢

靈雨祠在南隅德濟坊谷神觀之右祀鷹武李將軍明嘉
靖壬寅郡守吳希孟建其地為信美亭故址

饒縣志

卷十二 祠廟

九

霑溉祠在溪南灘祀朱郎中

徽明公祠在疊山書院左祀謝文節公從父今廢

謝文節祠舊名疊山書院原在安輯鄉宋謝枋得先生講
學所有詠歸門明經堂齋舍門人鄭康仲徐炎午輩哀田
供學費元季燬于兵明景泰中郡守姚堂邑諭張淵遷城
南上塲嘉寧坊都御史韓雍疏于朝賜謚文節屬有司春
秋祭享副使韓賜記正德五年雨雹祠壞郡守陸徵新之
翰林學士汪俊記十五年提學僉事卨銳以先生弟君禹
君烈君澤子定之暨諸從子及部將張孝忠配享左右別
祀先生伯父當陽尉徽明公于夾室嘉靖元年郡守張翀
奉提學副使周廣命割佛寺基創中堂翼以兩廡繚以周
垣臨池為戟門建石坊扁額明年郡守張士鎬竣其事學

使周廣記都御史韓雍御史陳述少卿李奎先後俱有詩
改名文節祠乾隆八年郡守陳世增見其敝壞而地且隘
僻乃遷于黃金山郭公講院舊址中為堂堂前為門護以
墻垣較前魏煥而人亦便于仰止也自有記見藝文教諭
明東陽暨邑庠程崧周文謨紀耀昌玉山邑庠朱采公之
裔孫等董治之

夏文愍祠在城西太平坊祀明大學士夏言公以事忤世
廟尋立祠賜謚詔有司春秋祀之康熙間郡守周錚元重
修

二徐祠在東門外為明徐樾徐貞明建勳元標有記

關帝廟在東門外唐大曆間建歷朝修廢不一順治己丑
防守康時昇捐貲重修前蓋以覆櫺右蓋以馬明王廟制

上饒縣志

卷十二

十

度較廓康熙己酉守道李士楨郡守蔡廷輔加修乾隆四
年署府裴玉麟重葺

南隅關帝廟在上塲嘉寧坊皇華亭右

第一人殿在城西亦祀關帝

龍王廟在東門外關帝廟西偏雍正年間建

火神廟在西關外天津橋前

府城隍廟在縣治西明洪武元年郡守王範重建自唐宋
元封以王爵明初顯佑伯洪武三年始正今號郡守彭南
舉重修有記康熙四年分守道李士楨重修兩廊增祀七
縣城隍及府社令規制加恢麗焉有記後毀于兵郡守孫
世昌重修乾隆四年署府裴玉麟復修之正殿兩廊及二
門頭門俱加增新五年知府陳世增復新砌內外甬道參

將劉景榮又于正殿設門兩重以蔽之廟貌稱巍然矣
縣城隍廟在縣治左舊在府城隍廟二門左介明萬曆庚
子知縣李鴻始建天啓間知縣謝邦荐復遷今所順治七
年知縣郭永靜重修康熙壬子邑丞陳貞捐修改建規制
高廣乾隆六年知縣汪文麟復加修葺兼置兩廊

考宋林通長樂圖經曰城隍之神乃西漢御史周苛也
守滎陽為項羽所烹高祖既即位以苛忠烈令天下郡
縣立廟祀之故特建云

孚惠廟在城南唐時建祀晉孝子石敬純即鳴山廟

仁惠廟在西隅泰安坊祀東嶽神太子

雷將軍廟在西隅祀唐將雷萬春

康王廟在河西畔

上饒縣志

卷十二 祠廟

十一

紫雲殿在西隅祀金甲楊泗將軍康熙辛亥邑丞陳貞重
建

李將軍廟在治北石人峯下神諱德勝字元明河南人唐
德宗朝由進士出守信以貞元六年與劉宗伯太真同禱
雨後先立化遂建廟祀之宋宣和間神助討方臘賜鷹武
廟額紹興初守令乞靈討永豐賊奏封助靈將軍明嘉靖
二十一年大學士夏言疏請賜號靈山鷹武李將軍萬曆
間助王師平播有靈爽晉封西濟弘道崇典護國真君詳
見吳希孟行狀

石人廟在靈山鄉合祀漢胡正祐王及唐劉將軍太真李
將軍德勝于此明成化間知府談綱建行祠于社稷壇有
記

萬壽宮祀許旌陽舊在使漆巷後遷于阜民坊康熙十九年復遷城東河畔

純陽殿在溪南白鶴樓後祀呂仙真人順治庚子知縣程汝璞重修額曰玄祖鳧洲

聖塘江公廟在縣南永樂鄉四十六都祀宋元帥江顯神本是鄉人幼即奇異年二十四卒遂顯靈焉遇旱疫禱立應因廟祀之郡守姜思德奏封元帥後建行祠于山川壇以便祀事太守金銑記

江公行祠舊在城北郡守金銑改建山川壇南春秋如禮國朝順治戊戌邑紳士重修構小菴募僧居守今柝敗將圯西井江公廟在六十四都山椒都人建之以便祈求也下有龍井前為雩壇神司雨捕蝗尤驗故鄉人多祀之

上饒縣志

卷十二 祠廟

十三

居山殿在開化鄉祀江饒王二徐真君神南唐時統師至信兄弟僵化于此因立廟祀之桂榮有記

仙姑廟在城西開化鄉焦石五顯廟在府前譙樓上左介

燾神廟在廣信所廳後明洪武六年千戶陸明置正德間千戶秦遜重修

天后宮在城外南街河畔皇華坊康熙四十七年閩莆鄭海生王聖齡等公建雍正十三年王聖齡鄭湜生朱洲生陳荃等呈請咨部春秋祭祀如禮

邱墓

竊據幾半天下猶設疑塚而一士之墓得禁採樵其人之重輕從可知矣延陵掛劍而徐君之墓人識其處是死者

緣生者之義而傳也田橫之墓韓子過之為文以祭是生者感死者之烈而弔也生無益于時死無聞于後馬鬣雖高過而不問諸賢之墓在上饒田夫野老指而目之毀則從而為之修又筆之于書豈非以其人之足重哉

宋

參知政事余堯弼墓在永樂鄉元溪里之原

向子騫墓在河山文簡之孫靖康死難贈以官汪喬年志祭酒徐元杰墓在吉陽山東斗門之原

韓元吉墓在府治城東

陳文蔚墓在來蘇鄉五十八都

元

翰林劉光墓在安集鄉江井山

上饒縣志

卷十二 鄉墓

十三

明

渤泥國王叔墓在城南三里永樂十年王進貢還國卒葬于此

監察御史李父墓在江家山夏尚樸有志銘

給事王讓墓在茶山寺東

姜諒墓在開化鄉龍潭

姜性墓在崇孝鄉靈溪蝴蝶山

葉鏜墓在乾元鄉四十三都劉家山

大學士夏言墓在六十七都鳳池山隆慶五年勅葬其母

匡太夫人墓在十三都龍岡上有勅建石坊

贈吏部尚書楊時喬墓在城東桂子鋪稽古道院前

大學士鄭以偉墓在太平鄉勅葬

寺觀

民或不蔽風雨而梵宇清宮不恤捐捨輒加壯麗輕重緩急之間智者所宜辨也區區上饒寺觀之得列于志書者八十餘所不既多哉相沿已久因而記之而要其始造之時民力為已悉矣

天寧寺在治北耆德坊吳周瑜故宅基也唐覺範洪禪師始建賜額報恩光孝禪院宋政和中改今名元末兵燬惟鐘樓存厥後興廢不一康熙五十一年郡守周錞元重建鐘樓寺亦修復今僧隱曇畧為修葺

景德寺一名尊聖院在縣治溪南嘉寧坊宋景德間建因名舊有十六小院其後存者祇報恩孔雀水陸慈氏而已明洪武間立為叢林嘉靖間夏少師重修規模宏壯一時

上饒縣志

卷十二 觀寺

十四

稱勝御史桂榮記兵興寺圯康熙庚戌郡守高夢說重建壬辰僧募葺自是無繼者雍正二年湖南僧古鑑主之甘清苦遠俗務置田增舍差擬前規乾隆八年又重新大殿費不仗施者且開堂說法僧咸宗之

茶山寺在城北隅一名廣教寺陸羽泉在焉唐天祐間建歷代廢興不一康熙丙午推官黎士弘重建自為記甲寅兵毀郡守孫世昌重葺壬辰周錞元復葺

龍門寺在沙溪創于唐有宋朱子普陀別境額後圯康熙丁卯僧超羈重修遂成蘭若

祥符寺在縣溪南宋大中祥符間建有御書閣祥符軒靈山亭雙龍井桂花館洗墨池鉢盂山跨鶴臺之勝元季兵燬惟大雄殿獨存明天啓間郡守蕭思似重修楊南野有

詩

薦福寺在來蘇鄉五十八都宋建炎間立元季兵燬明初
重建

普菴寺在溪南孔雀寺旁宋紹興間建明嘉靖間僧正元
重修少卿呂懷記崇禎間僧靜潮增建

大德寺在城富有坊元大德三年建因名
正覺寺在石橋鄉三十二都宋延祐中建
土巖寺在安輯鄉元至正初建

清涼寺在石橋鄉二十八都

湖潭寺在永樂鄉五十六都

孔雀寺在溪南宋景德間建後蒙泉晁太史有詩曾文清
嘗居其東偏榜曰橫碧軒明萬曆間僧海岸重建推官趙

之餘縣志

卷十二 觀寺

十五

士楨記康熙丙午郡守蔡廷輔復新之

龍恩寺在孔雀寺西宋咸熙初建康熙初僧大宗重募建
郡守蔡廷輔郡丞夏一鳳捐助葺以奉大士

奉陸寺在溪南寧嘉坊宋景德間建今廢

金山寺在上饒鄉

永福寺博山下院郡守祖進朝重修典史程思亨董其事
南巖院在開化鄉四十一都又名廣福院唐草衣禪師始
建權德輿記宋宣和五年重修陸漸記後寺僧占籍賦役
與民例 國初縣令程汝璞復之其左旁即朱文公祠多
題咏並詳藝文

青巖院在太平鄉六十九都唐乾寧中建明洪武二十四
年勅立為叢林少卿鄭邦福曾讀書于此後漸圯雍正年

間僧一正復興之一正絕塵綠甘清苦嘗賦詩一律以見
意詩見藝文

高泉報恩院在乾元鄉四十三都宋嘉祐中建明崇禎間
博山釋成許主之改為禪院康熙庚戌寺僧改建規制宏
敞舊有九井今止存一

香林院在靈山鄉八都宋大曆初建明洪武間立為叢林
大學一夏言有詩

瑞林院在明遠鄉四都宋咸淳間建

招福院在石橋鄉久廢無考

大際院在安輯鄉十六都宋咸淳間建

無為院在上饒鄉六十三都宋大中祥符間建有鵞石之
勝趙文鼎有詩

上饒縣志

卷十二 寺觀

十六

證果道院在永樂鄉宋政和間建後改為土地祠

臨泉院在上饒鄉宋嘉祐間建

資福院在明遠鄉宋咸淳中建

報恩院在安集鄉宋咸淳初建一在崇孝鄉宋大中時建

秦山院在上饒鄉六十七都秦峯頂下後五社重修

興福院在上饒鄉六十六都宋淳熙中建

慈氏院在永樂鄉五十都宋大中祥符間建

上團資福院在乾元鄉四十三都肇建于唐至明洪武間
立為叢林

崇福院在乾元鄉宋淳化中建

靈泉院在乾元鄉四十五都宋景祐中建

演教院在永樂鄉四十七都宋皇祐間建

龍華院在永樂鄉四十九都宋政和初建

鄱陽報恩院在永樂鄉四十八都宋淳祐初建

福勝院在乾元鄉四十二都一名前方寺宋至道間建

新興院在石橋鄉三十三都宋宣和中建明洪武二十五年立爲叢林今廢

南安興祚院在安輯鄉二十二都宋天曆間建今廢

雲洞院在開化鄉三十六都宋大中祥符間建岩穴瑰奇

梵宇幽爽有天泉九仙一線天諸岩多題咏

保安院在石橋鄉三十二都宋靖康間建即岩爲寺不假瓦覆亦異境也

清溪院在安輯鄉宋寶祐中建

靈鷲院在城西二里接官亭北舊爲小菴康熙己酉僧崇

上饒縣志

卷十二 寺觀

十七

文募建規制加廣甲寅後僅存荒址

寶慶院在石橋鄉明萬曆戊申郡守張履正建後有岩左右有石龜石鯉諸形

古城山相傳黃巢扎營于此今寺廢址存

際頭院在靈山鄉十都宋咸淳間建

福安院在上饒鄉唐元和間建

東源院在靈山鄉八都宋至順間建

常寂院在乾元鄉四十一都康熙八年燬于火甲子重建

鷲峯院在石人鄉十二都宋大中祥符間建

法雲院在石人鄉宋紹興初建

靜樂院在永樂鄉其先原有寺明末兵燹僅存遺址而已本朝初僧德文始闢建後法印恢之邑人陳嘉惠記見藝

文

正道院在永樂鄉五十六都一名湖潭寺

谷神道院在溪南宋建炎間建為一邑山水大觀有溪山堂含輝閣靈雨祠樂歲樓歲久傾廢僅存寮舍道紀方有常移諸神像羣奉一室修復之舉不無屬望歎

福生道院在福善坊宋紹興間建明崇禎己卯燬于火順治間防守康時昇重建改為永福禪院

禪悅寺在城西三十五都寺始于明衰不復振康熙壬申僧像塵勤苦自任乃復創建徒一正又從而恢擴之以開堂焉

法華菴在太平鄉六十八都宋咸淳間勅建

雲山菴在安輯鄉十六都康熙辛酉釋玄旨與徒古柏重

上饒縣志

卷十二 寺觀

六

建有記見藝文

南峯堂在十一都層巖峭壁中有一洞可通而上山巔平坦容百千人

中臺菴在靈山明養菴禪師卓錫于此有詩

東臺菴在靈山東臺峯下

西臺菴在靈山西臺峯下

雲仙菴在安輯鄉十六都康熙壬寅重建

峯頂院在十六都山形險峻崖谷清幽

仙臺菴在安輯鄉為仙壇下宋時建

祝聖菴在安輯鄉十六都圓山峯頂明天啓丙寅建康熙

元年重修

鉛嶺菴在靈山鄉八都鉛石山麓有真武殿大士堂多遊

人題咏

翠峯菴在明遠鄉五都宋時建燬于明季康熙庚戌重建
西龍菴在明遠鄉四都崇禎己巳建康熙間僧印空主之
遂為叢林

珠山菴在石橋鄉三十都明崇禎乙亥建

綠楊菴在西關外明初建康熙甲寅燬于寇

準提菴在西隅泰安坊順治間建

觀瀾菴在阜民坊紫雲殿後康熙甲辰建以臨水溪得名
通判楊照廓修改為波若菴

南臺菴在溪南山川壇江公祠側舊為祭祀齋宿之所後
經兵燹順治己亥住僧覺元募化重建

至德宮在靈山南麓峭壁萬仞傍厓為寺行數武有石如

上饒縣志

卷十二 寺觀

十九

鷹石髓自嘴中滴出四時不絕下有石穴滙為潭杳不可
測祀龍神于此為雩旱之所康熙乙巳郡守蔡廷輔節推
黎士知命醫學王用仁禱雨有應因重葺之為文叙其事
天妃宮在崇孝鄉吉陽山麓明萬曆間廣所千戶自秦淮
迎神至奉于此

太霞宮在溪南上塢宋建炎間建今其址為山川壇

祇樹園在南隅下塢荆溪傍明南寧太守楊聞中挂冠後
建嘗與僧人作蓮社會後俱燬康熙四年邑諸生嚴敬施
樹重立小菴以存故跡

玄妙觀在縣西耆德坊宋建炎間建

霧林山在三十都古康國寺宋乾和釋耀說法其上康熙
十年僧雪嵐復興郡丞鄭守先額曰脫迷證覺

石城古刹在明遠鄉五都其先草廬耳順治間僧聖開與其徒苦行墾闢買地置租構造寺宇而鉢孫朗然者復繼志拓擴視昔稱盛焉知府崔督糧高總鎮陳皆給扁表之覺塵禪院僧一澤暨智融所建也一澤本于姓撫州金谿人幼即茹素年三十餘買于饒喜與僧為伍而于茶山智融尤相得年五十餘有出世想買地汪家園與智融結菴居之又買民田以自食其力不撻世緣不取非分與仰食十方者異矣

上饒縣志卷十二終

第四冊終

上饒縣志

卷十二 寺觀

二十

